

आकाशवाणी

खबरां पूनम डोगरा कोला।

1. रेल मंत्रालय नै तत्काल टिकटें लेई नमें नियमें दा ऐलान कीता ऐ। औंदी पैहली जुलाई थमां आधार ओटीपी प्रमाणिकरण लाजमी करी दित्ता गेआ ऐ।
2. केन्द्र सरकारै मुकामी बजारें च भाह घटाने दे मकसद कन्नै कच्चे खादय तेल पर सीमा शुल्क 20 थमां घटाइयै 10 फीसद करी दित्ता ऐ।
3. खजाना मंत्रालय नै आखेआ ऐ जे यूपीआई लैन-देन उप्पर एम.डी.आर. शुल्क लाने दी उंदी कोई योजना नेई ऐ।
4. बदेश मंत्री डाक्टर एस. जयशंकर होरें आखेआ ऐ जे भारत ते यूरोपी यूनियन बश्कार मुक्त बपार समझौता इस बरे दे अखीरै तोहड़ी मुमकन होई सकदा ऐ।
5. कनाडा च 300 करोड़ रुपें मुल्लै दे नशीले पदार्थें दी तस्करी दे आरोप च भारती मूल दे 7 नागरिकें सने 9 लोकें गी हिरासता च लैता गेआ ऐ।
6. एफ.आई.एच. हॉकी प्रो लीग च नींदरलैंड्स दे एम्सटीलवीन च भारत दा मुकाबला अरजेन्टीना कन्नै होग।

<><><><><><>

Aadhaar Authentication

रेलवे दिएं तत्काल टिकटें दी बुकिंग दी बवस्था गी चुस्त-दुरुस्त बनाने ते इस सरबंघै च होने आहली गड़बड़ी गी रोकने दे मकसद कन्नै इक बड़ी गैह पुष्टदे होई रेल मंत्रालय नै ऐलान कीता ऐ जे औंदी पैहली जुलाई थमां छड़े आधार राहें प्रमाणित लोक गै आई.आर.सी.टी.सी. दी वैबसाईट जां ऐप दे राहें रेल दिएं तत्काल टिकटें दी बुकिंग करी सकडन। एहदे अलावा औंदी 15 जुलाई थमां जातरी आरक्षण प्रणाली आहले काउंटरें पर आधार राहें ओटीपी प्रमाणन लाजमी होई जाहग। जंदे हफते सोशल मीडिया पर कीती गेदी इक पोस्ट च रेल मंत्री अश्विणी वैष्णव होरें रेलवे दी इस पैहलकदमी बारै जानकारी सांझी कीती। उंन आखेआ जे एहदे कन्नै छड़े योग्य लोकें गी गै लोड दे बेल्ले कन्फर्क टिकटां मिली सकडन।

<><><><><><>

Railway Projects

केन्द्रीय मंत्रिमंडल नै रेल मंत्रालय दी दो परियोजनाएं गी मंजूरी दित्ती ऐ, जेहदी कल लागत 6 जहार 405 करोड़ रुपे ऐ। इनें परियोजनाएं च कोडरमा-बरकाकाना रेल लाइन गी दोहरा करना शामिल ऐ, जेहदी लागत 3 जहार 83 करोड़ रुपे ऐ। जदके बेल्लारी चिकजाजुर रेल लाइन दा दोहरीकरण 3 जहार 342 करोड़ रुपे दी लागत कन्नै कीता जाग। मंत्रिमंडल दी बैठक मगरा मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें आखेआ जे 133 किलोमीटर लम्मी कोडरमा-बरकाकाना दोहरीकरण परियोजना करी 938 ग्राएं ते 15 लख आबादी गी बेहतर संपर्क सुविधा थहोग। उनें आखेआ जे दूई रेल सेवा परियोजना 185 किलोमीटर लम्मी होग, जेहड़ी मंगलोर बंदगाह गी सिकंदराबाद कन्ने जोड़ग।

<><><><><><>

Custom

केन्द्र सरकार नै कच्चे सूरजमुखी, सोयाबीन ते ताड़ दे तेल सनें कच्चे खाद्य तेल उप्पर मुल्य सीमा शुल्क गी 20 प्रतिशत शा घटाइयै 10 प्रतिशत करी दित्ता ऐ। एह्दे करी कच्चे ते रीफाईंड खाद्य तेलें दे बश्कार आयात शुल्क दा अंतर 8.7–2 फीसद शा बधाइयै 19.2–5 होई गेआ ऐ। उपभोक्ता, खाद्य ते सार्वजनिक बंड बिक्री मंत्रालय नै गलाया ऐ जे इस गैह् दा उद्देश्य खाद्य तेले दी खुदरा कीमतें गी घट्ट करना ऐ ते मुद्रास्फीती गी नियंत्रित ऐ। जेह्दे करी उपभोक्ताएं गी राहत होंग। खाद्य तेल संघें ते उद्योग हितधारकें गी सलाह जारी कीती गई ऐ तां जे एह् जकीनी बनाया जाई सकै जे घट्ट शुल्क दा पूरा लाह उपभोक्ताएं गी मिले।

<><><><><><>

MDR

वित्त मंत्रालय नै साफ कीता ऐ जे यूपीआई लैन–देन उप्पर मर्वैट डिसकाउंट रेट लाए जाने सरबन्धी तमाम दावे निराधार ते भ्रम फैलाने आले न। मंत्रालय नै गलाया ऐ जे डिजीटल भुगतान गी बढ़ावा देने लेई प्रतिबद्ध ऐ। मंत्रालय नै गलाया जे इस चाल्ली दी निराधार फैलाने आली अटकलें करी साढ़ लोकें च अनिश्चता, डर ते शक्क पैदा होंदा ऐ ते सरकार यूपीआई दे राएं डिजीटल लैन–देन गी बढ़ावा देने प्रति वचनबद्ध ऐ।

<><><><><><>

Child Labour

अज्ज बाल मजदूरी पर रोक लाने सरबन्धी कुल संसारी ध्याड़ा मनाया जा'रदा ऐ। बच्चें दा शोषण रोकने ते बाल मजदूरी गी खत्म करने लेई इस ब'रे जतनें गी होर तेज करने दा लक्ष्य रखेआ गेदा ऐ। अंतर्राष्ट्रीय श्रम संगठन ते संयुक्त राष्ट्र बाल कोष शा जारी इक रिपोर्ट च गलाया गेदा ऐ जे ब8रे 2024 च लगीग 13 करोड़ 80 लख बाल श्रमक हे। इंदे चा तकरीबन 5 करोड़ 40 लख बच्चे ऐसे खतरनाक कम्में च लग्गे दे हे जेह्दे उंदी सेहत, सुरक्षा ते विकास दे विपरीत हे।

<><><><><><>

UGC

यूसीजी नै शैक्षिक संस्थानें गी विद्यार्थिं शा लिखियै एंटी–रैगिंग अनुपालन लेइयै 30 दिनें दे अंदर अंदर जमा कराने गी गलाया ऐ। संस्थाने शा परिसर दे अंदर रैगिंग रोकने दे उपाएं उप्पर इक व्यापक रिपोर्ट जमा कराने दी मंग कीती गेदी ऐ। आयोग नै गलाया ऐ जे निदेशकें दी पालमा नेई करने आलें उप्पर लोड़चदी कारवाई कीती जाग, जेह्दे मददेनजर नां सार्वजनिक करना, मान्यता वापस लैना ते फंडिंग दी वापसी शामिल ऐ।

<><><><><><>

EAM

विदेश मंत्री डॉ. एस.जयशंकर होरें गलाया ऐ जे भारत यूरोपीय संघ मुक्त बपार समझौता 2025 दे खीरै तगर मुमकिन ऐ। उनें गलाया जे भारत यूरोपीय संघ दे कन्ने अपने सरबंघें गी उच्च प्राथमिकता दिंदा ऐ जेह्दा मुख्य बिंदू मुक्त बपार समझौता वार्ता ऐ जेह्डी बड़ी शैल प्रगति करा'रदी ऐ।

<><><><><><>

Special Feature 11 years of Govt

भारत नै सेवा, सुशासन ते गरीब कल्याण दे सिद्धांतें थमां प्रेरित होइयै इक दहाके तगर काबिले-जिक्र बदलाव कीते न। आकाशवाणी समाचार तुं'दे लेई पिछले 11एं ब'रें च प्रमुख खेत्तरें च सरकार दे जतनें उपपर आधारित इक खास फीचर लेइयै आया ऐ जेह्दे तैह्त्त अज्ज, अस गल्ल करै करने आं आर्थिक बदलाव आह्न्ने आहली नारी शक्ति दे बारै च। पिछले इक दहाके दरान भारत, महिलाएं दी अगुवाई च इक आर्थिक क्रांति दा गवाह बनेआ ऐ। ग्राएं च मजदूद आप सहायता समूहें थमां लेइयै शैहरें च मजदूद उद्यमी महिलाएं तगर, नारि शक्ति नै अर्थबवस्था च बड़ा मता जोगदान दित्ता ऐ ते ओह इक बड़्ढे आर्थिक बदलाव दिआं वाहक बनै करदि'आं न। प्रधानमंत्री मुद्रा योजना दे तैह्त्त दित्ते गेदे 52 करोड़ 50 लख दोआर-कर्जें चा तकरीबन 68 फीसद महिलाएं आसेआ लैते गेदे न जि'दे राहें ओह अपने लौहके उद्यम चला करदि'आं न। इस चाल्ली दिएं पैहलकदमिं 2047 तगर विकसित भारत दे निर्माण दी बत्त पदरी करने दा कम्म कीता ऐ।

<><><><><><>

Ayurveda

नमीं दिल्ली च कल आयुर्वेद प्रति लोकें च लागरूकता पैदा करने दे उद्देश्य कन्नै तैआर डाकूमेंटरी “द डबल हेलिक्स ऑफ लाईफ” दी सक्रीनिंग कीती गई। एह्दा उद्घाटन आयूष राज्य मंत्री प्रतापराव यादव होरें कीता। 90 मिंटे दी इस डाकूमेंटरी च परानी बमारिं दे इलाज च आयुर्वेद दी भूमका गी दर्शाया गेदा ऐ। एह्दे उद्देश्य आयुर्वेद कन्नै जुड़े दे भ्रांति गी दूर करना ते एह्दी विज्ञानक गी प्रदर्शत करना हा।

<><><><><><>

Jatinder Singh

केन्द्रीय मंत्री डॉ. जितेन्द्र सिंह होर औं'दी जुलाई च परिवारिक पेंशन भोगिं ते वरिष्ठ पेंशन भोगिं दी शकैतें दा हल कड़डने लेई इक म्हीने दे विशेष अभियान दा दूआ गेड़ शुरू करगंन। इस अभियान दा मुख उद्देश्य शकैतें दा हल प्रदान करना ऐ। एह्दे तैह्त्त 2 ज्हार 210 शकैतें दे हल लेई एह् अभियान शुरू कीता जाग।

<><><><><><>

Cocaine Smuggling

कनाडा च नशीले पदार्थ दी तस्करी दे आरोप च भारती मूल दे 7 नागरिकें सने 9 लोकें गी हिरासता च लैता गेआ ऐ। पुलसै इ'नें तस्करें थमां तकरीबन 300 करोड़ रपे मुल्लै दी कोकीन ते द'उं गैर-कनूनी सेमी-आटोमेटिक हैंडगन बरामद कीतीआं न। एह् सब्बै आरोपी ग्रेटर टोरंटो इलाके च नशीले पदार्थ दे गैर-कनूनी धंधे कन्नै जुड़े दे हे। गिरफ्तार कीते गेदे भारती मूल दे लोकें च अरविन्दर पवार, गुरतेज सिंह, करमजीत सिंह, मनप्रीत सिंह, सरताज सिंह, शिव ओंकार सिंह ते सजगीत योगेंद्रजा शामिल न।

<><><><><><>

Hockey

हॉकी प्री लीग च अज्ज संजा भारतीय मद्रें दी टीम दा मकाबला अर्जेन्टीना कन्नै होग। नीदरलैंड दे एम्सटीलवीन च एह मैच भारतीय समें मूजब संजा साढ़े 6 बजे शुरू होग। भारत फिलहाल 11 मैचें शा 15 अंक हासल करियै अंक तालिका च चौथे थाहर उप्पर ऐ। एहदे शा पैहले कल इक करीबी मकाबले च भारत अर्जेन्टीना कोला 3-4 कन्नै हारी गेआ हा।

<><><><><><>

WTC

विश्व टेस्ट चैंपियनशिप दे फाइनल च साउथ अफ्रीका नै पैहले दिन आस्ट्रेलिया खलाफ 4 विकेटां मुआइयै 43 रंज बनाए ते आस्ट्रेलिया नै पैहले दिन दमदार गेंदबाजी कीती। साउथ अफ्रीका दे कप्तान बावुमा ते डेविड बैडिघंम दुए दिन पारी दी शुरूआत करंगन। आकाशवाणी फाइनल मैच दी अक्खी दिक्खेआ हाल हिंदी ते अंग्रेजी च बारी बारी प्रसारत करोग। इसी दपैहरी 2 बज्जियै 55 कमंटें शा रातीं 10 बजे तगर सुनेआ जाई सकोग।

<><><><><><>

Read: Poonam Dogra

Stand By: Vijay Bajaj

Editor : Kunal Shrivatsa

D.E.O. : Mukesh Gupta

Skilled : Rajat